

V - REVIZIJA

Član 39.

Reviziju godišnjih finansijskih izvještaja u skladu sa Zakonom o budžetima u Federaciji BiH vrši Ured za reviziju budžeta u Federaciji BiH.

VI - ZAVRŠNE ODREDBE

Član 40.

Za sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta, primjenjivat će se odredbe važećih zakona.

Član 41.

Odgovorno lice budžetskog korisnika, nosilac izvršene vlasti kao i drugo lice odgovorno za izvršavanje Budžeta kaznit će se za kršenje ove Odluke u skladu sa odredbama člana 102. i 103. Zakona o budžetima u Federaciji BiH.

Član 42.

Budžet, Odluka o izvršavanju Budžeta, Izmjene i dopune Budžeta, te Odluka o privremenom finansiranju i Godišnji izvještaj o izvršenju Budžeta objavit će se u "Službenim novinama Kantona" i na web stranici Općine u roku od 10 dana od dana donošenja.

Član 43.

Ova odluka stupa na snagu danom objavljivanja u "Službenim novinama Kantona Sarajevo", a primjenjivat će se za fiskalnu 2017. godinu.

Broj 01/1-02-3111-5/16
29. decembra 2016. godine
Ilijaš

Predsjedavajući
Općinskog vijeća Ilijaš
Mahir Dević, s. r.

Na osnovu člana 11. stav 3. Zakona o šumama Kantona Sarajevo ("Službene novine Kantona Sarajevo", broj 5/13), člana 55 i 104. Statuta Općine Ilijaš - prečišćeni tekst ("Službene novine Kantona Sarajevo", broj 20/09), Općinsko vijeće Ilijaš na 4. sjednici održanoj 29.12.2016. godine donijelo je

ODLUKU

**O DAVANJU MIŠLJENJA NA GODIŠNJE PLANOVE
REALIZACIJE ŠUMSKOPRIVREDNIH OSNOVA ZA
ŠGP "GORNJEBOSANSKO" I ŠGP "BISTRİČKO" ZA
2017. GODINU**

Član 1.

Daje se pozitivno mišljenje na Godišnje planove realizacije šumsko privrednih osnova za 2017. godinu za ŠGP "Gornjebosansko" i ŠGP "Bistričko", koji su dostavljeni od strane Ministarstva privrede Kantona Sarajevo.

Član 2.

Sastavni dio Odluke čine Planovi realizacije šumskoprivrednih osnova za ŠGP "Gornjebosansko" i ŠGP "Bistričko" za 2017. godinu.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-3111-6/16
29. decembra 2016. godine
Ilijaš

Predsjedavajući
Općinskog vijeća
Mahir Dević, s. r.

Na osnovu člana 44. stav 4. i 5. i člana 47. Zakona o pravobranilaštvu ("Službene novine Kantona Sarajevo", br. 33/08 - Novi prečišćeni tekst) i člana 55. Statuta općine Ilijaš - Prečišćeni tekst ("Službene novine Kantona Sarajevo", br. 20/09) Općinsko vijeće Ilijaš, na 4. sjednici od 29. decembra 2016. godine, donijelo je

ODLUKU

**O POVJERAVANJU VRŠENJA POSLOVA
PRAVOBRANILAŠTVA KANTONA SARAJEVO ZA
2017. GODINU**

Član 1.

Ovom Odlukom se daje ovlaštenje Pravobranilaštvu Kantona Sarajevo kao davaocu usluga da zastupa Općinu Ilijaš kao korisnika usluga pred sudovima i drugim nadležnim organima.

Član 2.

Radi zaštite imovine i imovinskih interesa Pravobranilaštvo Kantona Sarajevo će da brani i zastupa Općinu Ilijaš i vrši poslove u ime i za račun Općine Ilijaš pred sudovima i drugim nadležnim organima.

Član 3.

Ovlašćuje se Općinski načelnik da kao korisnik usluga zaključi Ugovor o međusobnim pravima i obavezama sa Pravobranilaštvom Kantona Sarajevo kao davaocem usluga.

Ugovorom će se regulisati da Pravobranilaštvo Kantona Sarajevo zastupa Općinu Ilijaš u svim predmetima u skladu sa Zakonom o Pravobranilaštvu kao i obavezu podnošenja godišnjeg izvještaja o radu Pravobranilaštva Općinskom vijeću Ilijaš.

Visina novčanih sredstava za obavljene poslove davaocu usluga u 2017. godinu ne može biti veća od 24.000 KM odnosno mjesečno 2.000 KM.

Član 4.

U budžetu Općine Ilijaš obezbijedit će se sredstva za rad Pravobranilaštva Kantona Sarajevo u skladu sa članom 3. ove Odluke.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-3111-7/16
29. decembar 2016. godine
Ilijaš

Predsjedavajući
Općinskog vijeća
Mahir Dević, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i čl. 23. i 55. Statuta Općine Ilijaš ("Službene novine Kantona Sarajevo", broj 7/98, 9/01, 17/04, i 14/08), Općinski načelnik, dana 23.12.2016. godine, verifikovao je i donio

ODLUKU

**O KOREKCIJI REGULACIONOG PLANA
"PODLUGOVI I"**

**(Izgradnja zanatske klaonice na zemljištu označenom kao
k.č. broj 15 i 16/8 K.O. Podgora I)**

Član 1.

Utvrđuje se Korekcija Regulacionog plana "Podlugovi I" ("Službene novine Kantona Sarajevo", broj 44/13), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za izgradnju zanatske klaonice na zemljištu označenom kao k.č. broj 15 i 16/8 K.O. Podgora I.

Izgradnja građevine može se odobriti pod slijedećim urbanističko tehničkim uslovima:

- Namjena građevine je zanatska klaonica, čiji kapacitet ne može biti veći od 3-4 grla krupne stoke i 2-3 grla sitne stoke sedmično;

- Potrebno je pribaviti sve saglasnosti i dozvole u skladu sa važećom zakonskom regulativom koja se odnosi na izgradnju predmetne vrste građevine;
- Maksimalna BGP građevine iznosi 260 m²;
- Potrebno je izraditi idejne i izvedbene projekte u skladu sa zakonskim propisima za predmetnu vrstu građevina;
- Izvedbeni projekat vodovoda i kanalizacije mora posebno obraditi dio tehnoloških otpadnih voda, tretman i zbrinjavanje tečnog i krutog otpada (krvi, papaka, rogova, kože i sl.), zatim definisati osnovna tehnološka rješenja planiranih postrojenja za prečišćavanje i način mjerenja i monitoring postignutih efekata u cilju dokazivanja da će se postići traženi rezultati, a ujedno ispuniti uslove koje će u svojim aktima navesti Agencija za vodno područje rijeke Save i Ministarstvo privrede Kantona Sarajevo;
- Građevinska parcela mora biti ograđena i ulaz i izlaz iz kruga građevine moraju biti pod kontrolom;
- Obzirom da je izgradnja građevine planirana uz samu granicu parcela k.č. 15 i 16/8, usvajanjem ove Korekcije na susjednim parcelama k.č. 10 i 12, nije moguća nikakva izgradnja - iste moraju biti u funkciji zaštite okolnog prostora.
- U postupak izdavanja urbanističke saglasnosti potrebno je uključiti vlasnike parcela koje se nalaze u zoni koja je predmet Korekcije Plana.

Član 3.

Korekcija Plana sastoji se iz tekstualnog dijela i grafičkih priloga (prilog br. 1 - Predmet Korekcije Regulacionog plana "Podlugovi I", M 1:5000, prilog br. 2 - Korekcija Regulacionog plana "Podlugovi I", M 1:1000, i prilog br. 3 - Analitička obrada građevinskih i regulacionih linija, M 1:1000).

Tekstualni i grafički prilozi Korekcije Plana sastavni su dio Regulacionog plana "Podlugovi I" ("Službene novine Kantona Sarajevo", broj 44/13).

Član 4.

Korekcija Plana je rađena za fazu urbanizma, a obaveza investitora je da za faze saobraćajne i komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Regulacionog plana "Podlugovi I", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Ilijaš i Zavoda za planiranje razvoja Kantona Sarajevo.

Član 6.


Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 05/1-23-2223/16
23. decembra 2016. godine


Općinski načelnik
Akif Fazlić, s. r.

**REGULACIONI PLAN
"PODLUGOVI I"**

("Službene novine Kantona Sarajevo", broj 44/13)



**KOREKCIJA REGULACIONI PLAN
"PODLUGOVI I"**



**KOREKCIJA REGULACIONI PLANA
"PODLUGOVI I"**

URBANISTIČKO RJEŠENJE

LEGENDA:

- REGULATORNA LINIJA GRADEVINSKE PARCELE
- 81, 8P1... OZNAKA GRADEVINSKE PARCELE
- REGULATORNA LINIJA SAOBRAĆAJNICA
- GRADEVINSKA LINIJA OBJEKTA
- SPRATNOST OBJEKTA
- CENTRALNE DJELATNOSTI (komercijalne i uslužne djelatnosti)
- postojeci objekti koji se zadržavaju
- OBJEKAT ZANATSKIE KLAONICE - predmet Konakcije
- UREBENE ZELENE POVRŠINE
- ZASTITNO ZELENILO
- UREBENO ZELENILO UZ OBJEKTE INDIVIDUALNOG STANOVANJA
- UREBENE POVRŠINE
- SAOBRAĆAJNE POVRŠINE
- BICIKLISTIČKA STAZA
- GRANICA USLOVNO STABILNOG TERENA
- REGULATORNA LINIJA VODOTOKA

ZAVOD ZA PLANIRANJE RAZVOJA KANTONA

IZ OBLASTI GRAĐEVINARSTVA I URBANIZAMA



ZAVOD ZA PLANIRANJE RAZVOJA KANTONA SARAJEVO